

11. november 2020  
J.nr. 1215826  
NHD/vld

**Kiffartuunneqarnissamut isumaqatigiissummut  
A L L O N G E**

Akornanni

**Namminersorlutik Oqartussat**

Ineqarnermut Attaveqaqatigiinnermullu  
Naalakkersuisoqarfik  
Postboks 909  
3900 Nuuk  
(matuma kingorna taagorneqartoq  
"Namminersorlutik Oqartussat")

aamma

**Arctic Umiaq Line A/S**

GER nr.: 12334656  
Postboks 1580  
3900 Nuuk  
(matuma kingorna taagorneqartoq "AUL")

Angallatip Sarfaq Ittuk ingerlanneqarnera pillugu kiffartuunneqarnissamut isumaqatigiissummut 31. maj aamma 13. juni 2017-imeersumut tapiliussaq manna ullumi ulloq isumaqatigiissutigineqarpoq.

**§ 1 Piffissap isumaqatigiissuteqarfiusup sivitsorneqarnera**

1.01 Kiffartuunneqarnissamut isumaqatigiisut sivitsorneqarpoq, qaammatisiutit malillugit ukiut 2021, 2022, 2023, 2024 aamma 2025 ilaatillugit ukiuni tallimani oqartussat aningaasaliisartut inaarutaasumik akuersissuteqartarnissaat sillimaffigineqarluni aammalu annertunerusumik ilimasaarinertaqanngitsumik imaluunniit atorunnaarsitsiviunngitsumik 2025-ip naanerani atorunnaassalluni.



- 1.02 2025-imi maj/juni kiffartuunneqarnissamut isumaqatigiissutip atugassarititaasut allannguuteqartillugit imaluunniit allannguuteqartinnagit sivitsorneqarsinnaanera pillugu isumaqatiginninniarnarit aallartinneqassapput.

## **§ 2 Isumaqatigiisummi pineqartut**

- 2.01 AUL-ip 2017-miit Qeqertarsuaq ukiuunerani angallavigisarpaa, ukiumut kr. 220.000,00-nik annertussusillit kiffartuussinermut tapersiissutit tapiliunneqarlutik.
- 2.02 Qeqertarsuup angallavigineqarnera niuernikkut piujuartinneqarsinnaasoq, AUL-ip paasivaa. Tamatuma malitsigisaanik 2021 aallarnerfigalugu ilanngullugulu tapiliussat kr. 220.000,00-nik annertussuseqartut atorunnaarput.
- 2.03 AUL 2021-imi ukioq tamaat Qeqertarsuarmut angalasarnini ingerlatiinnassavaa. Kisiannili AUL-ip paasiguniuk, umiarsuup piareersarnissaanut allatigullu ingerlasussanik piareersaanernut piffissakilliornermi, ukioq tamaat angalanini kinguaattoormik malitseqartoq, Namminersorlutik Oqartussat sioqqutsisumik akuersissuteqarteqqaarnagit, qaammatisiutit malillugit ukiup naanissaanut minnerpaamik qaammatinik pingasunik ilimasaaraluni, ukiukkut angalanissami annikillisinnaasanut AUL pisinnaatitaavoq.
- 2.04 Angalanissamut pilersaarut maannakkut aammalu 2021-mut atuuttoq kiffartuussinissamut isumaqatigiisummut aammalu tapiliussamut matumunnga **ilanngussa 2**-miippoq.

## **§ 3 Kiffartuussinermut tapersiissut aamma akiliuteqarneq**

- 3.01 Kiffartuussinermut tapersiissutit qaammatisiutit malillugit ukiuni 2017-2020 ukiumut kr. 7.500.000,00-nik annertussuseqarput.
- 3.02 Kiffartuussinermut tapersiissutit annertussusaat aalajangiusimaannarneqarpoq, tassami 2021 aallarnerfigalugu ilanngullugulu ukiumut 1,5%-imik naleqqersuutinut iluarsisoqartussaammat. Naleqqersuutinut iluarsineq annertusiartortuuvoq. Tamanna malillugu 2021-mut kiffartuussinermut tapersiissut kr. 7.612.500,00-nik, 2022-mut kiffartuussinermut tapersiissut kr. 7.726.687,50-nik annertussuseqarpoq kinguliilu taamatut ingerlassallutik.
- 3.03 Kiffartuussinermut tapersiissut maannamut pisartutut qaammatisiutit malillugit 1. april tamaasa 50%-imik aammalu qaammatisiutit malillugit 1. juli aamma 1. oktober tamaasa 25%-mik akilerneqartassapput.

**§ 4. Namminersorlutik Oqartussat periarfissaqarneri**

- 4.01 Kiffartuunneqarnissamut isumaqatigiissutip atuuttup nalaani aammalu kiffartuunneqarnissamut isumaqatigiissutip sivitsorneqarnerata nalaani tapiliusseq manna naapertorlugu AUL soraarnerussutisialinnut aamma siusinaartumik soraarnerussutisialinnut piffissami angallaffiunnginnerpaasumi: martsimiit maajimut, septembarimiit decembarimut aamma januaarimi sapaatip akunnera ataaseq, akikillisaanernik neqerooruteqarpoq.
- 4.02 Piffissami angallaffiunerpaasuni juunimiit aggustimut ukiumut kr. 450.000,00-nik kiffartuussinermut tapersiissutinut tapiliussilluni, ammaannartuni inissani soraarnerussutisialinnut/siusinaartumik soraarnerussutisialinnut 25 %-imik akikillisaanernik atuutsitsilernissamik Namminersorlutik Oqartussanut AUL neqerooruteqarpoq.
- 4.03 Tapiliusseq immikkoortoq 3.03 malillugu akilerneqartassaaq.
- 4.04 Namminersorlutik Oqartussat periarfissap atornissaa kissaatigippagu, tamanna qaammatsiutit malillugit ukiumi pineqartumi piffissap angallaffiunerpaap aallartinnissaa qaammatinik pingasunik sioqqullugu nalunaarutigineqassaaq.

ooOOoo


Allatigut kiffartuunneqarnissamut isumaqatigiissut 31. maj aamma 13. juni 2017-imeersoq oqaasertaanni immikkoortunilu tamaginni atuutsinneqarpoq.


Nuuk, ulloq 16. 11. 2020

Nuuk, ulloq 13. 11. 20

Namminersorlutik Oqartussat sinnerlugit:  
sinnerlugu A/S:

Arctic Umiaq Line

  
RUTH LINDHARDT

  
ANJA LYBECTH LEMMET

  
Kenneth Lund Bøjler  
Grønlands Selvstyre